

ხელშეკრულება საქონლის შესყიდვის შესახებ # 60-7-220-1010

ქ. თბილისი

23 ოქტომბერი 2020 წ.

I. მხარეები

1.1 წინამდებარე ხელშეკრულება დადებულია 2020 წლის 23 ოქტომბერს ერთი მხრივ სს „საქართველოს სახელმწიფო ელექტროსისტემას“ (შემდგომში „შემსყიდველი“), წარმოდგენილი მისი მმართველთა საბჭოს წევრის დავით ვარდიაშვილის (მინდობილობა N181378706) სახით და მეორეს მხრივ შპს „შორეთელი ჰოლდინგ გრუპ“ (შემდგომში „მიმწოდებელი“), წარმოდგენილი მისი გენერალური დირექტორის მალხაზ დათუკიშვილის სახით, რომლებიც მოქმედებენ საზოგადოების წესდებისა და მოქმედი კანონმდებლობის საფუძველზე.

II. ხელშეკრულების საგანი

2.1. „მიმწოდებელი“ ვალდებულია „შემსყიდველს“ მიაწოდოს 220 კვ. და 330 კვ. სიმძლავრის დენის და ძაბვის ტრანსფორმატორები (CPV კოდი: 31100000, 31170000) დანართი #1-ის (ფასების ცხრილი), დანართი #2-ის (ტექნიკური პირობა) და დანართი #3 (უსაფრთხოების წესები და პირობები) შესაბამისად.

2.2 დანართი #1, დანართი #2 და დანართი #3 წარმოადგენს წინამდებარე ხელშეკრულების განუყოფელ ნაწილს.

2.3 წინამდებარე ხელშეკრულება დაიდო სახელმწიფო შესყიდვის შესახებ საქართველოს კანონის მე-3 მუხლის პირველი პუნქტის ე) ქვეპუნქტის შესაბამისად.

III. საქონლის ღირებულება და ანგარიშსწორების პირობები

3.1. საქონლის საერთო ღირებულება განსაზღვრულია წინამდებარე ხელშეკრულების დანართი #1-ის (ფასების ცხრილი) შესაბამისად და შეადგენს 146 911.26 (ას ორმოცდაექვსი ათას ცხრაას თერთმეტი დოლარი და 26 ცენტი) აშშ დოლარს დღგ-ს ჩათვლით. (შემდგომში – „ხელშეკრულების ღირებულება“). „ხელშეკრულების ღირებულება“ ითვალისწინებს ყველა ხარჯს, მათ შორის შემსყიდველის მისამართებამდე ტრანსპორტირებისა და ჩამოცლა-დასაწყობების ხარჯს.

3.2 ანგარიშსწორება განხორციელდება სრულად მიწოდებულ საქონელზე ან/და საქონლის მიწოდების დასრულებისას ფაქტობრივად მიწოდებულ საქონელზე, საბოლოო მიღება-ჩაბარების აქტის გაფორმებისა და საგადასახადო ანგარიშ-ფაქტურის წარმოდგენის შემდეგ არაუგვიანეს 8 (რვა) სამუშაო დღის განმავლობაში;

3.3. იმ შემთხვევაში, თუ „მიმწოდებლის“ მიერ მოთხოვნილი იქნა საავანსო გადახდა, „შემსყიდველი“ იხდის საავანსო თანხას (არაუმეტეს ხელშეკრულების ღირებულების 30%-ისა) „მიმწოდებლის“ მხრიდან შესაბამისი ოდენობის საბანკო გარანტიის წარმოდგენის შემთხვევაში, საბანკო გარანტიის წარმოდგენიდან 5 (ხუთი) სამუშაო დღის განმავლობაში. იმ შემთხვევაში, თუ „მიმწოდებელი“ არის დღგ-ს გადამხდელი, საბანკო გარანტიის შესაბამისი ანგარიშფაქტურა წარმოდგენილი უნდა იყოს ავანსის გადახდიდან 2 (ორი) სამუშაო დღეში. საბანკო ძალაში უნდა იყოს ხელშეკრულების მოქმედების ვადაზე არანაკლებ 30 კალენდარული დღით მეტი ვადით.

საბანკო გარანტია წარმოდგენილი უნდა იყოს, საქართველოს კანონმდებლობის შესაბამისად ლიცენზირებული დაწესებულებიდან შემდეგი ფორმის დაცვით: დაბეჭდილი გარანტიის გამცემი დაწესებულების ტიტულიან ფურცელზე (ბლანკი), ხელმოწერილი და/ან ბეჭედადამული.

3.4 მიღება-ჩაბარების აქტის გაფორმებიდან ანგარიშსწორებისათვის განსაზღვრული ვადის დადგომამდე საქონელზე აღმოჩენილი ხარვეზის ან/და ნაკლის არსებობის შემთხვევაში, „მიმწოდებელი“ ვალდებულია „შემსყიდველის“ წერილობითი შეტყობინების მიღებისთანავე გონივრულ ვადაში, მაგრამ არაუმეტეს 30 (ოცდაათი) კალენდარული დღის განმავლობაში, საკუთარი ხარჯებით გამოასწოროს აღმოჩენილი ნაკლოვანება ან წუნდებული საქონელი შეცვალოს ახლით. წინააღმდეგ შემთხვევაში აღნიშნული დაყოვნება ანგარიშსწორების პროცესს იმ ვადით, სანამ მიმწოდებლის მიერ სრულად და ჯეროვნად არ შესრულდება ამ მუხლით განსაზღვრული ვალდებულება;

3.5. ავანსად გაცემული თანხა ჩაითვლება საბოლოო ანგარიშსწორებისას.

3.6 ანგარიშსწორება განხორციელდება ლარში, უნაღდო ანგარიშსწორების ფორმით. გადახდის დღეს საქართველოს ეროვნული ბანკის მიერ დადგენილი ოფიციალური გაცვლითი კურსის შესაბამისად აშშ დოლართან მიმართებაში.

IV. მხარეთა უფლება-მოვალეობები

4.1. „მიმწოდებელი“ მოვალეა:

4.1.1 გადასცეს „შემსყიდველს“ საქონელი (ექსპლუატაციაში არ მყოფი, არ უნდა იყოს მეორადი და აღდგენილი) წინამდებარე ხელშეკრულების ფასების ცხრილის (დანართი #1) მიხედვით შემდეგი ვადების მიხედვით:

4.1.1.1. „მიმწოდებელი“ ვალდებულია ხელშეკრულების გაფორმებიდან 12 (თორმეტი) სამუშაო დღის ვადაში წარმოადგინოს შემოთავაზებული საქონლის მოწყობის ვიზუალური (ესკიზური) ნახაზები და მეორადი პრინციპიალური/სამონტაჟო სქემები.

4.1.1.2. „შემსყიდველი“ უფლებამოსილია 10 (ათი) სამუშაო დღის ვადაში განიხილოს წარმოდგენილი საქონლის მოწყობის ვიზუალური (ესკიზური) ნახაზები და მეორადი პრინციპიალური/სამონტაჟო სქემები და შენიშვნების არსებობის შემთხვევაში დაუბრუნოს „მიმწოდებელს“ ხარვეზების აღმოსაფხვრელად.

4.1.1.3. „მიმწოდებელი“ ვალდებულია „შემსყიდველის“ შენიშვნების მიღებიდან არაუგვიანეს 5 (ხუთი) სამუშაო დღის ვადაში გამოასწოროს მითითებული ხარვეზები.

ელ. ტენდერი (SPA200002132) ქ/ს "გარდაბანი 500"-ისათვის 220 კვ. და 330 კვ. სიმძლავრის დენის და ძაბვის ტრანსფორმატორების შესყიდვაზე. „მიმწოდებელი“ შპს „შორეთელი ჰოლდინგ გრუპ“.

4.1.1.4. საქონლის მოწოდება უნდა განხორციელდეს შემოთავაზებული საქონლის მოწყობის ვიზუალური (ესკიზური) ნახაზების და მეორადი პრინციპიალური/სამონტაჟო სქემების წარმოდგენიდან და შეთანხმებიდან არაუმეტეს 210 (ორას ათი) კალენდარული დღის განმავლობაში.

საქონლის მიწოდებისათვის ობიექტზე დაშვების უფლების მისაღებად „მიმწოდებელი“ ვალდებულია „შემსყიდველს“ მიმართოს წერილობით. „შემსყიდველი“ „მიმწოდებლის“ ობიექტზე დაშვებას უზრუნველყოფს „მიმწოდებლის“ წერილობითი მოთხოვნის მიღებიდან არაუმეტეს 5 (ხუთი) სამუშაო დღის ვადაში შესაბამისი პროცედურების დაცვით.

ხელშეკრულების 4.1.1.1 და 4.1.1.3 ქვეპუნქტებში განსაზღვრული ვადების დარღვევის შემთხვევაში, „მიმწოდებელი“ მოვალეა გადაიხადოს პირგასამტეხლო საქონლის ღირებულების 0,1%-ის ოდენობით, ყოველ ვადა გადაცილებულ დღეზე, ხელშეკრულების მე-6 მუხლის (მხარეთა პასუხისმგებლობა) 6.1 პუნქტის შესაბამისად, გარდა ფორს-მაჟორისა, ობიექტურ გარემოებებზე დაყრდნობით, ამ მუხლის 4.1.1.1; 4.1.1.2 და 4.1.1.3 ქვეპუნქტებში მითითებული ვადები შესაძლებელია გადაისინჯოს მხარეთა ურთიერთშეთანხმებით;

4.1.2 საქონლის მოწოდება უნდა განხორციელდეს წინამდებარე ხელშეკრულების დანართი#1-ის (ფასების ცხრილი), დანართი#2-ის (ტექნიკური პირობა) და დანართი #3-ის (უსაფრთხოების წესები და პირობები) შესაბამისად.

4.1.3 საქონლის მოწოდება უნდა განხორციელდეს ტრანსპორტირებისა და შემსყიდველის მიერ მითითებულ ადგილას ჩამოცლა-დასაწყობების ხარჯების გათვალისწინებით, შემდეგ მისამართზე: ქ. გარდაბანი, აღმაშენებლის #2, ქ/ს "გარდაბანი 500";

საქონლის მიწოდება უნდა განხორციელდეს სამუშაო საათებში (ორშაბათიდან პარასკევის ჩათვლით, 09:00 - 18:00 სთ., ოფიციალური უქმე დღეების გარდა). თუ საქონლის მიწოდება დაემთხვა არასამუშაო დღეს, მიმწოდებელმა საქონლის მიწოდება უნდა უზრუნველყოს მომდევნო სამუშაო დღეს.

4.1.4 საქონელს მოწოდებისას თან უნდა ახლდეს:

- ტექნიკური დოკუმენტაცია კომპლექტში უნდა იყოს ქართულ ან ინგლისურ ენაზე;
- პასპორტი ან კატალოგი;
- ექსპლუატაციის ინსტრუქცია;
- საქარხნო რუტინული ტესტირების და გამოცდის პროტოკოლები.

4.1.5. „მიმწოდებელი“ ვალდებულია დამზადებული საქონლის სატენდერო დოკუმენტაციის ტექნიკურ პირობებთან შესაბამისობის დასადგენად უზრუნველყოს საყოველთაოდ აღიარებული საექსპერტო ორგანიზაციებიდან თუ ლაბორატორიებიდან (როგორიცაა SGS Group, Bureau Veritas, Intertek Group, TÜV, KEMA Laboratories) შესაბამისი ექსპერტის დასწრება საქარხნო ტესტირების დროს, ტესტირების წარმატების დასრულება უნდა დასტურდებოდეს შესაბამისი ექსპერტის ან ზემოთხსენებული ორგანიზაციების მიერ. „მიმწოდებელი“ ვალდებულია წარმოადგინოს ზემოთხსენებული საყოველთაოდ აღიარებული საექსპერტო ორგანიზაციებიდან თუ ლაბორატორიებიდან საქონლის სატენდერო დოკუმენტაციის ტექნიკურ პირობებთან შესაბამისობის დასკვნა.

4.2. „შემსყიდველი“ მოვალეა:

4.2.1 ხელშეკრულებით გათვალისწინებული პირობების თანახმად გადაიხადოს მიწოდებული საქონლის ღირებულება;

4.2.2 შეამოწმოს საქონლის მდგომარეობა ვარგისიანობაზე;

4.2.3. წერილობით შეატყობინოს „მიმწოდებელს“ მიღების ან ექსპლუატაციის დროს საქონელზე შემჩნეული ნაკლის აღმოჩენისთანავე.

4.3. „მიმწოდებლის“ მივლინებულმა პერსონალმა საქონლის მოწოდება უნდა განხორციელოს განწესით ან/და განკარგულებით, წინამდებარე ხელშეკრულების დანართი #3-ში განსაზღვრული უსაფრთხოდ წარმოების წესის და პირობების მკაცრი დაცვით.

V. გარანტია

5.1. „მიმწოდებელი“ იძლევა გარანტიას, რომ მიწოდებული საქონელი მისი ექსპლუატაციის ნორმების დაცვის შემთხვევაში, არ გამოავლენს დეფექტებს.

5.2. შესაბამისი ექსპლუატაციის პირობებში „მიმწოდებლის“ მიერ მოწოდებულ საქონელზე საგარანტიო ვადა არის მიღება-ჩაბარების აქტის გაფორმებიდან 3 (სამი) წელი.

5.3. საგარანტიო ვადის განმავლობაში თუ გამოვლინდება რაიმე ხარვეზი ან შეუსაბამობა, „მიმწოდებელი“ ვალდებულია თავისი ხარჯებით გამოსწოროს ხარვეზი „შემსყიდველის“ წერილობითი შეტყობინების მიღებიდან 10 (ათი) კალენდარული დღის განმავლობაში, თუ ეს შეუძლებელია „მიმწოდებელმა“ „შემსყიდველის“ წერილობითი შეტყობინების მიღებიდან 210 (ორას ათი) კალენდარული დღის განმავლობაში უნდა შეცვალოს საქონელი.

5.4 ხარისხის გაუარესების თავიდან ასაცილებლის მიზნით, მხარეები თანხმდებიან, რომ საგარანტიო პერიოდის გასვლის შემდგომ საქონლის შეკეთებისას ან სათადარიგო ნაწილების შესყიდვისას გათვალისწინებული იქნება ქარხანა დამამზადებლის რეკომენდაცია.

VI. მხარეთა პასუხისმგებლობა

6.1 „მიმწოდებლის“ მიზეზით წინამდებარე ხელშეკრულების მე-4 მუხლის 4.3 პუნქტით განსაზღვრული პირობების ან/და საქონლის დაგვიანებით, არასრულად, ხარვეზით ან საერთოდ არ გაწევის შემთხვევაში, „მიმწოდებელი“ მოვალეა

გადაიხადოს პირგასამტეხლო მოუწოდებელი საქონლის ღირებულების 0,1%-ის ოდენობით, ყოველ ვადაგადაცილებულ დღეზე, წინამდებარე ხელშეკრულების მე-4 მუხლის 4.3 პუნქტით განსაზღვრული პირობების შესრულებამდე ან/და საქონლის ჯეროვნად და სრულად მოწოდებამდე ან ხელშეკრულების შეწყვეტის დღემდე, რომელი ვადაც უფრო ადრე დადგება. ასევე, „მიმწოდებლის“ მიზეზით, ხელშეკრულების მე-4 მუხლის 4.1.1.1 და 4.1.1.3 ქვეპუნქტებში განსაზღვრული დოკუმენტებისა ან/და საქონლის დაგვიანებით, არასრულად ან საერთოდ არ მიწოდების შემთხვევაში, „მიმწოდებელი“ ვალდებულია გადაიხადოს პირგასამტეხლო მოუწოდებელი საქონლის ღირებულების 0,1%-ის ოდენობით, ყოველ ვადა გადაცილებულ დღეზე, მე-4 მუხლის 4.1.1.1 პუნქტში განსაზღვრული დოკუმენტების სრულად მოწოდების (ვადაგადაცილებაში არ ითვლება 4.1.1.2 ქვეპუნქტით განსაზღვრული დოკუმენტების შეთანხმების პერიოდი), ხარისხიანი საქონლის სრულად მიწოდების დღემდე ან ხელშეკრულების შეწყვეტის დღემდე, რომელი ვადაც უფრო ადრე დადგება;

6.2 ამ ხელშეკრულების 6.1 პუნქტით გათვალისწინებული პირგასამტეხლო „მიმწოდებელს“ გადასახდელად დაერიცხება აგრეთვე იმ შემთხვევაში, თუ მიმწოდებელი არ გამოასწორებს საგარანტიო პერიოდის განმავლობაში გამოვლენილ ხარვეზს ან არ შეცვლის საქონელს ამ ხელშეკრულებით საგარანტიო პერიოდში გამოვლენილი ხარვეზის გამოსწორებისთვის/საქონლის შეცვლისთვის დადგენილ ვადებში - შესატყვისი ვადის გასვლიდან ხარვეზის გამოსწორების/საქონლის შეცვლის დღემდე ან ხელშეკრულების შეწყვეტის დღემდე, რომელი ვადაც უფრო ადრე დადგება.

6.3 „შემსყიდველის“ მიერ ხელშეკრულებით გათვალისწინებული საქონლის ღირებულების ვადაგადაცილებით (არადროულად) გადახდის შემთხვევაში, „მიმწოდებელი“ უფლებამოსილია მოსთხოვოს „შემსყიდველს“ პირგასამტეხლოს გადახდა გადაუხდელი თანხის 0.1% ოდენობით ყოველ ვადა გადაცილებულ დღეზე წინამდებარე ხელშეკრულების შეწყვეტამდე, ან თანხის სრულად გადახდამდე, რომელი ვადაც უფრო ადრე დადგება.

6.4 ხელშეკრულებით გათვალისწინებული ვალდებულებების ცალმხრივად შეუსრულებლობისათვის მხარეებს ეკისრებათ ვალდებულება აანაზღაურონ მიყენებული ზარალი სრული მოცულობით საქართველოს კანონმდებლობით დადგენილი წესით. ზარალის ანაზღაურება ან მისი მოთხოვნა არ აჩერებს ამ მუხლით გათვალისწინებულ პირგასამტეხლოს დარიცხვას.

6.5 „შემსყიდველი“ უფლებამოსილია ფაქტიურად მიწოდებული საქონლის ღირებულების ანაზღაურებისას გამოქვითოს (შეამციროს ანაზღაურება) ამ მუხლით გათვალისწინებული და „მიმწოდებელზე“ დარიცხული პირგასამტეხლოს თანხა „მიმწოდებლისათვის“ გადასახდელი თანხის ოდენობიდან. აღნიშნული გამოქვითვა არ შეიძლება გახდეს „მიმწოდებლის“ მხრიდან „შემსყიდველისათვის“ 6.3 პუნქტით გათვალისწინებული პირგასამტეხლოს დარიცხვის საფუძველი.

VII. ხელშეკრულების შესრულების საგარანტიო უზრუნველყოფა

7.1 „შემსყიდველის“ მხრიდან ხელშეკრულების გარანტია ხელშეკრულების შესრულების საგარანტიო უზრუნველყოფა, საბანკო გარანტია, ხელშეკრულების ღირებულების 2%, რომელიც წარმოდგენილია „მიმწოდებლის“ მიერ გამოყენებული იქნება შემდეგ შემთხვევებში თუ:

ა) „მიმწოდებლის“ მხრიდან საქონლის მოწოდების ვადა ირღვევა 30 (ოცდაათი) კალენდარულ დღეზე მეტი ხნის განმავლობაში.

ბ) „მიმწოდებლის“ მიერ მოწოდებული საქონელი არ შეესაბამება წინამდებარე ხელშეკრულებით განსაზღვრულ მოთხოვნებს.

7.2 წინამდებარე ხელშეკრულების 7.1 პუნქტით გათვალისწინებულ შემთხვევებში „შემსყიდველი“ საბანკო გარანტიის საფუძველზე უპირობოდ და შეუქცევადად იღებს მთელ გარანტირებულ თანხას (ხელშეკრულების ღირებულების 2%).

7.3 „შემსყიდველის“ მხრიდან ხელშეკრულების უზრუნველყოფის გარანტიის გამოყენება არ ათავისუფლებს „მიმწოდებელს“ წინამდებარე ხელშეკრულების მე-VI მუხლით განსაზღვრული ვალდებულებებისაგან.

VIII. ხელშეკრულების შესრულების კონტროლი

8.1 „შემსყიდველს“ ან მის წარმომადგენელს უფლება აქვს ხელშეკრულების შესრულების ნებისმიერ ეტაპზე განახორციელოს კონტროლი „მიმწოდებლის“ მიერ ნაკისრი ვალდებულებების შესრულებაზე.

8.2 „მიმწოდებელი“ ვალდებულია საკუთარი ხარჯებით უზრუნველყოს კონტროლის შედეგად გამოვლენილი ყველა დეფექტის ან ნაკლის აღმოფხვრა.

8.3 „შემსყიდველის“ მხრიდან ხელშეკრულების შესრულებაზე კონტროლს ახორციელებს სს „საქართველოს სახელმწიფო ელექტროსისტემის“ ქვესადგურების პროექტების სამსახურის უფროსი ოთარ ყირიმელი. ხოლო ხელშეკრულების დანართ N3 – უსაფრთხოების წესები და პირობების შესრულებაზე კონტროლი დაევალოს სს „სსე“-ს ტექნიკური უსაფრთხოების და ინსპექციის სამსახურის უფროსს მერაბ კვირიკაშვილს;

8.4 კონტროლი განხორციელდება მიწოდებული საქონლის ხარისხისა და მიწოდების ვადების შესაბამისობით ხელშეკრულების პირობებთან.

IX. ფორს-მაჟორი

9.1 ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას.

9.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული მათ შეცდომებსა და დაუდევრობასთან და რომლებსაც გააჩნიათ წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით ან სტიქიური მოვლენებით, ეპიდემიით, კარანტინით, ემბარგოს დაწესებით და სხვა. ფორს-მაჟორის არსებობის საკმარის დამადასტურებელ ცნობად მხარეები

9.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელნი იქნებიან ფორს-მაჟორული გარემოებების ზეგავლენისაგან.

X. ურთიერთობა მხარეებს შორის

10.1 ნებისმიერი ოფიციალური ურთიერთობა ხელშეკრულების დამდებ მხარეებს შორის უნდა ატარებდეს წერილობით ფორმას. წერილობითი შეტყობინება, რომელსაც ერთი მხარე ხელშეკრულების შესაბამისად უგზავნის მეორე მხარეს, ხორციელდება საფოსტო გზავნილის ან ელექტრონული კომუნიკაციის გზით ხელმძღვანელობაზე ან /და წარმომადგენლობაზე უფლებამოსილი პირის ან ამ კონტრაქტის ფარგლებში უფლებამოსილი საკონტაქტო პირების (ელექტრონული კომუნიკაციის შემთხვევაში) მიერ. ოპერატიული კავშირის დამყარების მიზნით დასაშვებია შეტყობინების მეორე მხარისათვის მიწოდება ელ. ფოსტით (წერილის სკანირებული ვარიანტი) ან ფაქსის გაგზავნის გზით, შემდგომში ორიგინალის მიწოდების პირობით.

10.2 შეტყობინება შედის ძალაში ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღებიდან რომელი უფრო გვიან დგება.

10.3 ამ მუხლის პირველი პუნქტის მიზნებისთვის ელექტრონული კომუნიკაციის წარმოების პროცესში პასუხისმგებელი პირის დანიშვნა, საკონტაქტო საკითხების მითითებით ხორციელდება მხარის მიერ წერილობითი შეტყობინების საფუძველზე.

XI. ხელშეკრულების პირობების შეცვლა და/ან ვადამდე მოშლა

11.1 ამ ხელშეკრულებაში ნებისმიერი ცვლილება და/ან დამატება შეიძლება შეტანილი იქნეს მხარეთა წერილობითი შეთანხმების საფუძველზე.

11.2 შესყიდვის შესახებ ხელშეკრულების პირობების შეცვლა დაუშვებელია, თუ ამ ცვლილების შედეგად იზრდება ხელშეკრულების საერთო ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევისა, ამასთან, ასეთ შემთხვევაშიც დაუშვებელია ხელშეკრულების ჯამური ღირებულების 10%-ზე მეტი ოდენობით გაზრდა.

11.3. ხელშეკრულება შეიძლება ვადამდე მოიშალოს:

11.3.1. მხარეთა შეთანხმებით;

11.3.2. ერთ-ერთი მხარის განცხადებით მეორე მხარის მიერ ხელშეკრულებით გათვალისწინებული პირობების არსებითად დარღვევის შემთხვევაში;

11.4 „შემსყიდველს“ შეუძლია ხელშეკრულება ვადამდე შეწყვიტოს:

11.4.1. თუ „შემსყიდველისათვის“ ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

11.4.2. „მიმწოდებლის“ გაკოტრების შემთხვევაში;

11.4.3 თუ მისთვის ცნობილი გახდება, რომ „მიმწოდებლის“ მიერ მოწოდებული ინფორმაცია ყალბი აღმოჩნდება, რაც წარმოადგენს „შემსყიდველის“ მხრიდან ნდობის დაკარგვის საფუძველს.

11.4.4. საქართველოს კანონმდებლობით გათვალისწინებულ სხვა შემთხვევებში.

11.5 ამ მუხლის 11.4 პუნქტში მითითებულ შემთხვევებში „შემსყიდველი“ ვალდებულია აუნაზღაუროს „მიმწოდებელს“ ფაქტიურად მიწოდებული საქონლის ღირებულება.

XII. ხელშეკრულების შესრულების შეფერხება

12.1 თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ რაც შეიძლება მოკლე დროში უნდა აცნობოს მეორე მხარეს თავისი გადაწყვეტილება, მიღებული აღნიშნულ გარემოებებთან დაკავშირებით.

12.2 იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით.

XIII. დავათა განხილვა

13.1 ხელშეკრულების დამდები მხარეები თანხმდებიან მასზე, რომ ყველა ღონეს იხმარენ, რათა მოლაპარაკებების მეშვეობით, შეთანხმებით მოაგვარონ ნებისმიერი უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული საკითხების ირგვლივ.

13.2 თუ ასეთი მოლაპარაკებების დაწყებიდან 30 (ოცდაათი) კალენდარული დღის განმავლობაში მხარეები ვერ შესძლებენ სადაო საკითხების შეთანხმებას, ნებისმიერ მხრეს დავის გადაწყვეტის მიზნით შეუძლია დადგენილი წესით მიმართოს საქართველოს სასამართლოს. დავის განხილვა მოხდება საქართველოს კანონმდებლობის შესაბამისად.

XIV. შესყიდვის ობიექტის მიღება-ჩაბარების წესი

14.1 მიღება-ჩაბარების აქტი ფორმდება საბოლოოდ, სრულად ან/და მიწოდების დასრულებისას ფაქტობრივად მიწოდებული საქონლის შესაბამისად.

14.2 საქონლის მოწოდებისას (საქონლის მიწოდება უნდა განხორციელდეს სამუშაო საათებში, ორშაბათიდან პარასკევის ჩათვლით, 09:00 - 18:00 სთ, ოფიციალური უქმე დღეების გარდა) „შემსყიდველის“ მიერ წინამდებარე ხელშეკრულების 8.3 ქვეპუნქტით განსაზღვრული პირი ამოწმებს მოწოდებული საქონლის შესაბამისობას წინამდებარე ხელშეკრულების პირობებთან, ხარვეზების (წუნდების) არ არსებობის შემთხვევაში ფორმდება მიღება-ჩაბარების აქტი ფაქტიურად მიღებული საქონლის მიხედვით „შემსყიდველს“ და „მიმწოდებელს“ შორის.

14.3 საქონელი მიღებულად ჩაითვლება მხარეთა შორის მიღება-ჩაბარების აქტის გაფორმებისთანავე. მიღება-ჩაბარების გაფორმების შემდგომ პასუხისგებლობა საქონელზე გადადის შემსყიდველზე.

14.4 საქონლის მიღება-ჩაბარების აქტზე ხელმოწერა პირად განისაზღვრა სს „სსე“-ის მმართველთა საბჭოს წევრი ზაქარია ავალიანი.

XV. ხელშეკრულების მოქმედების ვადები

15.1. ხელშეკრულება ძალაში შედის მხარეთა მიერ ხელმოწერისთანავე.

15.2. ხელშეკრულების მოქმედების ვადა ამოწურულად ჩაითვლება აღნიშნული პირობების შესრულებისთანავე, მაგრამ არაუგვიანეს 2021 წლის 31 აგვისტოს ჩათვლით, ხოლო საგარანტიო ვალდებულებების ნაწილში საგარანტიო ვადის ბოლომდე.

XVI. ხელშეკრულების სხვა პირობები

16.1 ხელშეკრულება შედგენილია ქართულ ენაზე.

16.2 ამ ხელშეკრულებით გაუთვალისწინებელ შემთხვევებში, მხარეები მოქმედებენ საქართველოში მოქმედი კანონმდებლობის თანახმად.

16.3 წინამდებარე ხელშეკრულებით გათვალისწინებული პირობები შესასრულებლად სავალდებულოა მხარეთათვის და მათი შესაბამისი სამართალმემკვიდრეებისა და უფლებამონაცვლეთათვის. დაუშვებელია წინამდებარე ხელშეკრულებით გათვალისწინებული ვალდებულებების გადაცემა სხვა მხარისათვის მეორე მხარის წინასწარი წერილობითი თანხმობის გარეშე.

XVII. კონფიდენციალურობა და გაუმჟღავნებლობა:

17.1 მხარეები აცნობიერებენ, რომ სს „საქართველოს სახელმწიფო ელექტროსისტემაში“ დანერგილია ინფორმაციული უსაფრთხოების მართვის სისტემა ISO/IEC 27001 მიხედვით და შესაბამისად, შემდგომ ურთიერთობებში ითვალისწინებენ „სს „საქართველოს სახელმწიფო ელექტროსისტემის“ კონფიდენციალურობისა და გაუმჟღავნებლობის პირობებს“, რომელიც გამოქვეყნებულია ვებ-გვერდზე www.gse.com.ge (ჩვენს შესახებ/ შესყიდვები/ კონტრაქტის პირობები).

XVIII. მხარეთა რეკვიზიტები

„შემსყიდველი“:

სს „საქართველოს სახელმწიფო ელექტროსისტემა“
ქ. თბილისი, ბარათაშვილის ქ.#2

საიდ. კოდი: 204995176
ს/ს „თბილისი ბანკი“
ბანკის კოდი: TBCBGE 22
ანგარიშის №GE02TB0600000102467636

დავით ვარდიაშვილი
მმართველთა საბჭოს წევრი
ბ.ა

„მიმწოდებელი“:

შპს „შორეთელი ჰოლდინგ გრუპ“
ქ. თბილისი, ნუცუბიძის I მ/რ, I კვ., 7/3
ტელ. 2 43 57 12

საიდ.კოდი: 205231890
სს "ზაზისბანკი"
ბანკის კოდი: CBASGE22
ანგარიში № GE90BS0000000032136001

მალხაზ დათუკიშვილი
გენერალური დირექტორი
ბ.ა

ელ. ტენდერი (SPA200002132) ქ/ს "გარდაბანი 500"-ისათვის 220 კვ. და 330 კვ. სიმძლავრის დენის და ძაბვის ტრანსფორმატორების შესყიდვაზე. „მიმწოდებელი“ შპს „შორეთელი ჰოლდინგ გრუპ“.

დანართი #1
ფასების ცხრილი:

#	შესყიდვის ობიექტი		წარმოშოს ქვეყანა / მწარმოებელი კომპანია	რაოდ. (ცალი)	ერთეულის ღირებულება დღგ-ს ჩათვლით (აშშ დოლარი)	ჯამური ღირებულება დღგ-ს ჩათვლით (აშშ დოლარი)
	დასახელება	მოდელი ან სასაქონლო ნიშანი				
1	2	3	4	5	6	7
1	330 კვ დენის ტრანსფორმატორი ლითონკონსტრუქციაზე სამაგრი ქანჩ-ჭანჭიკით	LVB-330W3	ჩინეთი / Jiangsu Sieyuan Hertz Instrument Transformer Co., Ltd.	9	11485.28	103367.52
2	330 კვ ტევადური ძაბვის ტრანსფორმატორები ლითონკონსტრუქციაზე სამაგრი ქანჩ-ჭანჭიკით.	TYD330/√3-0.005W3	ჩინეთი / Jiangsu Sieyuan Hertz Instrument Transformer Co., Ltd.	3	7788.31	23364.93
3	220 კვ დენის ტრანსფორმატორები ლითონკონსტრუქციაზე სამაგრი ქანჩ-ჭანჭიკით.	LVB-220W3	ჩინეთი / Jiangsu Sieyuan Hertz Instrument Transformer Co., Ltd.	3	6726.27	20178.81
	მთლიანი ღირებულება ღირებულება დღგ-ს ჩათვლით (აშშ დოლარი)					146 911.26

„ხელშეკრულების ღირებულება“ შეადგენს 146 911.26 (ას ორმოცდაექვსი ათას ცხრაას თერთმეტი დოლარი და 26 ცენტი) აშშ დოლარს დღგ-ს ჩათვლით.

„შემსყიდველი“:

სს „საქართველოს სახელმწიფო ელექტროსისტემა“

დავით ვარდიაშვილი
მმართველთა საბჭოს წევრი
ბ.ა

„მიმწოდებელი“:

შპს „შორეთელი ჰოლდინგ გრუპ“

მალხაზ დათუკიშვილი
გენერალური დირექტორი
ბ.ა

ელ. ტენდერი (SPA200002132) ქ/ს "გარდაბანი 500"-ისათვის 220 კვ. და 330 კვ. სიმძლავრის დენის და ძაბვის ტრანსფორმატორების შესყიდვაზე. „მიმწოდებელი“ შპს „შორეთელი ჰოლდინგ გრუპ“.

**დანართი #2,
ტექნიკური პირობა:**

#	დასახელება და აღწერილობა	განზ. ერთეული	ტექნიკური პარამეტრები
1	2	3	4
1	330 კვ დენის ტრანსფორმატორი ლითონკონსტრუქციაზე სამაგრი ქანჩ-ჭანჭიკით		9 ცალი
1,1	სტანდარტი		IEC 61869
1,2	ტიპური ტესტირება IEC 61869-ის სტანდარტის შესაბამისად		კი
1,3	კლიმატური პირობები		
1,4	მაქსიმალური ყინულის სისქე	მმ	10
1,5	მაქსიმალური ქარის სიჩქარე	მ/წ	35
1,6	მაქსიმალური ჰაერის ტემპერატურა	°C	+40
1,7	მინიმალური ჰაერის ტემპერატურა	°C	-25
1,8	სეისმური დონე		
1,9	სეისმური მედეგობა (MSK)		8
1,10	რიხტერის მაგნიტუდური შკალა		5.3
1,11	ტექნიკური მახასიათებლები		
1,12	დაყენების ტიპი		გარე დაყენების
1,13	სიმაღლე ზღვის დონიდან	მეტრი	≤ 1000
1,14	საიზოლაციო მასალა		ზეთი
1,15	ნომინალური ძაბვა	კვ	330
1,16	მაქსიმალური მუშა ძაბვა ხანგრძლივად	კვ	362
1,17	ნიმინალური სიხშირე	ჰც	50
1,18	ნომინალური პირველადი დენი	ა	1600/800
1,19	ნომინალური მეორადი დენი	ა	1
1,20	გაჟონვის გზის ხვედრითი სიგრძე	მმ/კვ	25
1,21	თერმიული მდგრადობის დენი	კა	50
1,22	დინამიური მდგრადობის დენი	კა	125
1,23	სამრეწველო სიხშირის გამოსაცდელი ძაბვა	კვ	510
1,24	ელჭექის იმპულსის გამოსაცდელი ძაბვა	კვ	1175
1,25	მეორადი გრავილების რაოდენობა		5
1,26	მეორადი გრავილების სიზუსტის კლასები და სიმძლავრეები		
1,27	გრავილი-1,2 კოეფიციენტი 1600/1 ა, სიზუსტის კლასი და სიმძლავრე 0,2S - 10 ვა		გრავილი-1,2 კოეფიციენტი 1600/1 ა, სიზუსტის კლასი და სიმძლავრე 0,2S - 10 ვა გრავილი იპლომბება
1,28	გრავილი-1,2 კოეფიციენტი 800/1 ა, სიზუსტის კლასი და სიმძლავრე 0,2S - 10 ვა		გრავილი-1,2 კოეფიციენტი 800/1 ა, სიზუსტის კლასი და სიმძლავრე 0,2S - 10 ვა გრავილი იპლომბება
1,29	გრავილი-3,4,5 კოეფიციენტი 1600/1 ა, სიზუსტის კლასი და სიმძლავრე 10P20 - 50 ვა		გრავილი-3,4,5 კოეფიციენტი 1600/1 ა, სიზუსტის კლასი და სიმძლავრე 10P20 - 50 ვა
1,30	გრავილი-3,4,5 კოეფიციენტი 800/1 ა, სიზუსტის კლასი და სიმძლავრე 10P20 - 50 ვა		გრავილი-3,4,5 კოეფიციენტი 800/1 ა, სიზუსტის კლასი და სიმძლავრე 10P20 - 50 ვა
1,31	დენის ტრანსფორმატორების კოეფიციენტების ცვლილება შესაძლებელი უნდა იყოს მეორადი გრავილიდან		დენის ტრანსფორმატორების კოეფიციენტების ცვლილება შესაძლებელია მეორადი გრავილიდან

1,32	უნდა იპლომბებოდეს დენის ტრანსფორმატორების მეორადი გამომყვანების ყუთი		იპლომბება დენის ტრანსფორმატორების მეორადი გამომყვანების ყუთი
1,33	მეორადი გამომყვანების ყუთი დაცვის კლასი		IP55
1,34	აღრიცხვისთვის გამოყენებული დენის ტრანსფორმატორების მეორადი გრაგნილების კლემები უნდა იპლომბებოდეს		აღრიცხვისთვის გამოყენებული დენის ტრანსფორმატორების მეორადი გრაგნილების კლემები იპლომბება
2	330 კვ ტევადური ძაბვის ტრანსფორმატორები ლითონკონსტრუქციაზე სამაგრი ქანჩ-ქანჭიკით.		3 ცალი
2,1	სტანდარტი		IEC 61869
2,2	ტიპური ტესტირება IEC 61869-ის სტანდარტის შესაბამისად		ტიპური ტესტირება IEC 61869-ის სტანდარტის შესაბამისად
2,3	კლიმატური პირობები		
2,4	მაქსიმალური ყინულის სისქე	მმ	10
2,5	მაქსიმალური ქარის სიჩქარე	მ/წ	35
2,6	მაქსიმალური ჰაერის ტემპერატურა	°C	+40
2,7	მინიმალური ჰაერის ტემპერატურა	°C	-25
2,8	სეისმური დონე		
2,9	სეისმური მედეგობა (MSK)		8
2,10	რიხტერის მაგნიტუდური შკალა		5.3
2,11	ტექნიკური მახასიათებლები		
2,12	დაყენების ტიპი		გარე დაყენების
2,13	სიმაღლე ზღვის დონიდან	მეტრი	≤ 1000
2,14	საიზოლაციო მასალა		ზეთი
2,15	ნომინალური ძაბვა	კვ	330
2,16	მაქსიმალური მუშა ძაბვა ხანგრძლივად	კვ	362
2,17	ნომინალური სიხშირე	ჰც	50
2,18	გაჟონვის გზის ხვედრითი სიგრძე	მმ/კვ	25
2,19	სამრეწველო სიხშირის გამოსაცდელი ძაბვა	კვ	510
2,20	ელექტრის იმპულსის გამოსაცდელი ძაბვა	კვ	1175
2,21	მეორადი გრაგნილების რაოდენობა		3
2,22	მეორადი გრაგნილების სიზუსტის კლასები და სიმძლავრეები		
2,23	გრაგნილი-1, ძაბვა 100/√3 ვ, სიზუსტის კლასი და სიმძლავრე 0,2- 10 ვა		გრაგნილი-1, ძაბვა 100/√3 ვ, სიზუსტის კლასი და სიმძლავრე 0,2- 10 ვა გრაგნილი იპლომბება
2,24	გრაგნილი-1, ძაბვა 100/√3 ვ, სიზუსტის კლასი და სიმძლავრე 0,2- 10 ვა		გრაგნილი-1, ძაბვა 100/√3 ვ, სიზუსტის კლასი და სიმძლავრე 0,2- 10 ვა გრაგნილი იპლომბება
2,25	გრაგნილი-2, ძაბვა 100/√3 ვ, სიზუსტის კლასი და სიმძლავრე 3P - 100 ვა		გრაგნილი-2, ძაბვა 100/√3 ვ, სიზუსტის კლასი და სიმძლავრე 3P - 100 ვა
2,26	უნდა იპლომბებოდეს ძაბვის ტრანსფორმატორების მეორადი გამომყვანების ყუთი		იპლომბება ძაბვის ტრანსფორმატორების მეორადი გამომყვანების ყუთი
2,27	ძაბვის ტრანსფორმატორების მეორადი გრაგნილების წრედში უნდა იყოს 6 ამპერიანი დნობადი მცველი (ძაბვის ტრ-ების გამომყვანების ყუთში)		ძაბვის ტრანსფორმატორების მეორადი გრაგნილების წრედში დგას 6 ამპერიანი დნობადი მცველი (ძაბვის ტრ-ების გამომყვანების ყუთში)

ელ. ტენდერი (SPA200002132) ქ/ს "გარდაბანი 500"-ისათვის 220 კვ. და 330 კვ. სიმძლავრის დენის და ძაბვის ტრანსფორმატორების შესყიდვაზე. „მიმწოდებელი“ შპს „შორეთელი ჰოლდინგ გრუპ“.

3	220 კვ დენის ტრანსფორმატორები ლითონკონსტრუქციაზე სამაგრი ქანჩ-ჭანჭიკით.		3 ცალი
3,1	სტანდარტი		IEC 61869
3,2	ტიპური ტესტირება IEC 61869-ის სტანდარტის შესაბამისად		ტიპური ტესტირება IEC 61869-ის სტანდარტის შესაბამისად
3,3	კლიმატური პირობები		
3,4	მაქსიმალური ყინულის სისქე	მმ	10
3,5	მაქსიმალური ქარის სიჩქარე	მ/წ	35
3,6	მაქსიმალური ჰაერის ტემპერატურა	°C	+40
3,7	მინიმალური ჰაერის ტემპერატურა	°C	-25
3,8	სეისმური დონე		
3,9	სეისმური მედეგობა (MSK)		8
3,10	რიხტერის მაგნიტუდური შკალა		5.3
3,11	ტექნიკური მახასიათებლები		
3,12	დაყენების ტიპი		გარე დაყენების
3,13	სიმაღლე ზღვის დონიდან	მეტრი	≤ 1000
3,14	საიზოლაციო მასალა		ზეთი
3,15	ნომინალური ძაბვა	კვ	220
3,16	მაქსიმალური მუშა ძაბვა ხანგრძლივად	კვ	252
3,17	ნომინალური სიხშირე	ჰც	50
3,18	ნომინალური პირველადი დენი	ა	1200/600
3,19	ნომინალური მეორადი დენი	ა	1
3,20	გაჟონვის გზის ხვედრითი სიგრძე	მმ/კვ	25
3,21	თერმიული მდგრადობის დენი	კა	40
3,22	დინამიური მდგრადობის დენი	კა	100
3,23	სამრეწველო სიხშირის გამოსაცდელი ძაბვა	კვ	460
3,24	ელჭექის იმპულსის გამოსაცდელი ძაბვა	კვ	1050
3,25	მეორადი გრადიენტის რაოდენობა		4
3,26	მეორადი გრადიენტის სიზუსტის კლასები და სიმძლავრეები		
3,27	გრადიენტი-1, კოეფიციენტი 1200/1 ა, სიზუსტის კლასი და სიმძლავრე 0,5S - 10 ვა		გრადიენტი-1, კოეფიციენტი 1200/1 ა, სიზუსტის კლასი და სიმძლავრე 0,5S - 10 ვა გრადიენტი იპლომბება
3,28	გრადიენტი-1, კოეფიციენტი 600/1 ა, სიზუსტის კლასი და სიმძლავრე 0,5S - 10 ვა		გრადიენტი-1, კოეფიციენტი 600/1 ა, სიზუსტის კლასი და სიმძლავრე 0,5S - 10 ვა გრადიენტი იპლომბება
3,29	გრადიენტი-2,3,4 კოეფიციენტი 1200/1 ა, სიზუსტის კლასი და სიმძლავრე 10P20 - 50 ვა		გრადიენტი-2,3,4 კოეფიციენტი 1200/1 ა, სიზუსტის კლასი და სიმძლავრე 10P20 - 50 ვა
3,30	გრადიენტი-2,3,4 კოეფიციენტი 600/1 ა, სიზუსტის კლასი და სიმძლავრე 10P20 - 50 ვა		გრადიენტი-2,3,4 კოეფიციენტი 600/1 ა, სიზუსტის კლასი და სიმძლავრე 10P20 - 50 ვა
3,31	დენის ტრანსფორმატორების კოეფიციენტების ცვლილება შესაძლებელი უნდა იყოს მეორადი გრადიენტიდან		დენის ტრანსფორმატორების კოეფიციენტების ცვლილება შესაძლებელია მეორადი გრადიენტიდან
3,32	უნდა იპლომბებოდეს დენის ტრანსფორმატორების მეორადი გამომყვანების ყუთი		იპლომბება დენის ტრანსფორმატორების მეორადი გამომყვანების ყუთი
3,33	მეორადი გამომყვანების ყუთი დაცვის კლასი		IP55

3,34	აღრიცხვისთვის გამოყენებული დენის ტრანსფორმატორების მეორადი გრაგნილების კლემები უნდა იპოვებოდეს		აღრიცხვისთვის გამოყენებული დენის ტრანსფორმატორების მეორადი გრაგნილების კლემები იპოვება
3,35	ჰორიზონტალური ბრტყელი შემყვანი	მმ	155×150
4	მოთხოვნების ზემოთ ჩამოთვლილ მოწყობილობებზე		
4,1	დოკუმენტაცია		
4,2	ტექნიკური დოკუმენტაცია კომპლექტში უნდა იყოს ქართულ ან ინგლისურ ენაზე		ინგლისურ ენაზე წარმოდგენილი იქნება მოწყობილობის მიღებისას
4,3	პასპორტი ან კატალოგი		ინგლისურ ენაზე წარმოდგენილი იქნება მოწყობილობის მიღებისას
4,4	ექსპლუატაციის ინსტრუქცია		ინგლისურ ენაზე წარმოდგენილი იქნება მოწყობილობის მიღებისას
4,5	საქარხნო რუტინული ტესტირების და გამოცდის პროტოკოლები		ინგლისურ ენაზე წარმოდგენილი იქნება მოწყობილობის მიღებისას
4,6	შემოთავაზებული მოწყობილობაზე ტექნიკური პარამეტრები		ტექნიკური პარამეტრები წარმოდგენილია ქარხანა დამამზადებელის მონაცემებზე დაყრდნობით
4,7	შემოთავაზებული მოწყობილობების მოწყობის ვიზუალური (ესკიზური) ნახაზები და მეორადი პრინციპიალური/სამონტაჟო სქემები.		შემოთავაზებული მოწყობილობების მოწყობის ვიზუალური (ესკიზური) ნახაზები და მეორადი პრინციპიალური/სამონტაჟო სქემები წარმოდგენილი იქნება ხელშეკრულების გაფორმებიდან 12 (თორმეტი) სამუშაო დღეში
4,8	მოთხოვნები იმედიანობის მიმართ		
4,9	მუშაობის ვადა	წელი	25

შენიშვნა:

მოწოდებული საქონელი უნდა იყოს ექსპლუატაციაში არ მყოფი (არ უნდა იყოს მეორადი და აღდგენილი).

„შემსყიდველი“:

სს „საქართველოს სახელმწიფო ელექტროსისტემა“

დავით ვარდიაშვილი
მმართველთა საბჭოს წევრი
ბ.ა

„მიმწოდებელი“:

შპს „შორეთელი ჰოლდინგ გრუპ“

მალხაზ დათუკიშვილი
გენერალური დირექტორი
ბ.ა

დანართი #3 უსაფრთხოების წესები და პირობები

220 კვ. და 330 კვ. დენის და ძაბვის ტრანსფორმატორების შესყიდვასთან და მიწოდებასთან დაკავშირებით (ქ. გარდაბანი, აღმაშენებლის #2, ქ/ს "გარდაბანი 500")

1. 330 კვ და 220 კვ ძაბვის დენისა და ძაბვის ტრანსფორმატორების შესყიდვა და მიწოდებასთან დაკავშირებით, მომწოდებელი საწარმო ვალდებულია, აცნობოს ს.ს. „საქართველოს სახელმწიფო ელექტროსისტემას“ (სსე), პერსონალის ობიექტზე დაშვებამდე არანაკლებ 5(ხუთი) სამუშაო დღით ადრე, მიაწოდოს წერილობითი მონაცემები საქონლის მოწოდებისათვის გამოსაყენებელი მანქანა-მექანიზმების/ტექნიკის და მათი მძღოლების, აგრეთვე, სამუშაოს (ჩამოტვირთვა/დასაწყობება) უსაფრთხოდ ჩატარებაზე დაკავებულ მივლინებულ პირთა სია: გვარების, ინიციალების, პირადობის მოწმობის პირადი ნომრების, თანამდებობების, მათთვის მინიჭებული უფლებების (სამუშაოთა ხელმძღვანელი, სამუშაოთა მწარმოებელი, ბრიგადის წევრი) მითითებით;
2. სამუშაოთა შემსრულებელი ვალდებულია წარუდგინოს ს.ს. „საქართველოს სახელმწიფო ელექტროსისტემას“ (სსე) რისკების შეფასების დოკუმენტი (რომელიც უნდა ეფუძნებოდეს შრომის საერთაშორისო ორგანიზაციის მიერ აღიარებულ მეთოდოლოგიას და მოიცავდეს მომსახურეობის სივრცეში დაკავშირებული საფრთხეების იდენტიფიცირებას, ანალიზს, შეფასებასა და პრევენციული ღონისძიებების განსაზღვრას);
3. სამუშაოთა შემსრულებელი ვალდებულია ახალი კორონავირუსით გამოწვეულ იფექციასთან (COVID-19) დაკავშირებით დაიცვას ზოგადი რეკომენდაციები; აწარმოოს პერსონალის ჯანმრთელობის კონტროლი, შესაბამის ჟურნალში გაფორმებით. მათ შორის აკონტროლოს; დამცავი საშუალებებით აღჭურვა, სოციალური დისტანცირება, გადაადგილების წესები, პერსონალის ტემპერატურული სკრინინგი, ასაკობრივი დაავადებების რისკები;
4. მივლინებულ პირებს, სსე-ს ობიექტების ტერიტორიაზე მკაცრად ეკრძალებათ ნებისმიერი ზომისა და სახეობის ცივი, ცეცხლსასროლი, გაზის, პნევმატური, სათამაშო/სასწავლო და სხვა სახის იარაღის, საბრძოლო მასალების (მათ შორის, სასწავლო/სათამაშო ნიმუშების), ნებისმიერი სახეობისა და რაოდენობის ასაფეთქებელი, მომწამვლელი ან/და ადამიანებისა და გარემოსათვის საშიში სხვა ნივთიერებების, აგრეთვე, ნარკოტიკული/ფსიქოტროპული საშუალებების და ალკოჰოლური სასმელების შეტანა;
5. აკრძალულია, სსე-ს ობიექტებზე გამოცხადება ნასვამ (ალკოჰოლური ზემოქმედების) მდგომარეობაში, ფსიქოტროპული ან/და ნარკოტიკული ნივთიერებების ზემოქმედების ქვეშ. ნებისმიერი ზემოთ აღნიშნული მოთხოვნიდან ერთ-ერთის დარღვევის გამოვლენის შემთხვევაში მივლინებული მუშაკი არ დაიშვება ობიექტზე, ხოლო პასუხისმგებელ პირებს დაეკისრებათ შესაბამისი სამართლებრივი პასუხისმგებლობა;
6. მივლინებული საწარმოს მუშაკი ობიექტზე არ დაიშვება იმ შემთხვევაშიც, თუკი მისი პიროვნება (სახელი, გვარი და პირადი ნომერი) არ აღმოჩნდება ობიექტზე გადაცემულ სიაში;
7. ობიექტზე დაშვებული ყველა მივლინებული პირი ფიზიკური/ფსიქიკური მონაცემებით უნდა შეესაბამებოდეს მათ მიერ შესასრულებელ სამუშაოს, უნდა იყოს ჯანმრთელი და გავლილი უნდა ჰქონდეთ ჯანმრთელობის სამედიცინო შემოწმება;
8. დაშვებამდე, მივლინებულმა პირებმა ერთჯერადად უნდა გაიარონ შესავალი და პირველადი ინსტრუქტაჟები ჟურნალში გაფორმებით. აღნიშნული ინსტრუქტაჟები წარმოადგენს ადგილობრივ თავისებურებათა და გამოყოფილ უბანზე საშიში გარემოებების/ფაქტორების შესახებ ინფორმირებას;
9. ობიექტზე დაშვებას განწესის მიხედვით ასრულებს სსე-ს წარმომადგენელი (დამშვები), მოქმედი წესების შესაბამისად;
10. ობიექტზე საქონლის დასაწყობების პროცესის განმავლობაში მეთვალყურეობას განახორციელებს სსე-ს შესაბამისი პასუხისმგებელი პირი რომლის ნებართვის გარეშეც სამუშაო ადგილის მიტოვება ან/და სამუშაო არეალის გაფართოვება აკრძალულია;
11. მასალები უნდა დასაწყობდეს რეგიონალური ქსელის და ობიექტის ხელმძღვანელობის მიერ წინასწარ გამოყოფილ ადგილზე;
12. მივლინებულ პირებს ეკრძალებათ ობიექტზე ნებისმიერი სახის (ღია, დახურულ ან/და კომპლექტურ) ელექტრო გამანაწილებელ მოწყობილობებში შესვლა, ასევე სხვა საწარმოო სათავსოებში თუ ტერიტორიაზე მოძრაობა (გარდა უშუალოდ მათთვის გამოყოფილი სამუშაო და სამოდრო ადგილისა), დათვალიერება ან რაიმე სამუშაოების ჩატარება;
13. მივლინებულმა პირებმა მომსახურეობის გაწევის ადგილზე უნდა უზრუნველყონ საქართველოში მოქმედი სახანძრო უსაფრთხოების წესების მოთხოვნათა განუხრელი დაცვა. მომსახურეობის გაწევის დროს აკრძალულია ფეთქებადი და ადვილად ალუბადი ნივთიერებების გამოყენება. მომსახურეობის გაწევისას მიღებული და დაცული უნდა იყოს აფეთქება და ხანძარსაწინააღმდეგო ზომები. მივლინებულ პირებს ობიექტის ტერიტორიაზე ეკრძალებათ თამბაქოს მოწევა, გარდა სპეციალურად საამისოდ გამოყოფილი ადგილებისა;
14. მომსახურეობის წარმოებისას აკრძალულია ძირითადი და საევაკუაციო გზების სხვადასხვა მასალით, ნაკეთობებით, მოწყობილობებით, ნარჩენით და სხვა საგნებით ჩახერგვა. ნარჩენების გატანა უნდა განხორციელდეს ყოველდღიურად და არ მოხდეს მათი დაგროვება ობიექტზე;
15. მომსახურეობის სრულად დამთავრების შემდეგ მწარმოებელმა უნდა გაიყვანოს ბრიგადა მომსახურეობის გაწევის ადგილიდან, ტერიტორია მოაწესრიგოს;

ელ. ტენდერი (SPA200002132) ქ/ს "გარდაბანი 500"-ისათვის 220 კვ. და 330 კვ. სიმძლავრის დენის და ძაბვის ტრანსფორმატორების შესყიდვაზე. „მიმწოდებელი“ შპს „შორეთელი ჰოლდინგ გრუპ“.

16. დასაწყობების და ხელშეკრულებით გათვალისწინებული მომსახურების დამთავრების შესახებ მომწოდებელმა კომპანიამ სავალდებულოდ უნდა აცნობოს სს „საქართველოს სახელმწიფო ელექტროსისტემის“ შესაბამის წარმომადგენლებს;
17. წინამდებარე „სამუშაოთა უსაფრთხოდ წარმოების წესი და პირობები“ ძალაშია სსე-ს და სამუშაოთა შემსრულებელ საწარმოს შორის დადებული შესაბამისი ხელშეკრულების მოქმედების ვადით.

„შემსყიდველი“:

სს „საქართველოს სახელმწიფო
ელექტროსისტემა“

დავით ვარდიაშვილი
მმართველთა საბჭოს წევრი
ბ.ა

„მიმწოდებელი“:

შპს „შორეთელი ჰოლდინგ გრუპ“

მალხაზ დათუკიშვილი
გენერალური დირექტორი
ბ.ა



საბანკო გარანტია #127768
(ხელშეკრულების შესრულების)

15 ოქტომბერი, 2020 წელი

პრინციპალი
ბენეფიციარი
გარანტი
საგარანტიო თანხის ზღვრული
მოცულობა

შპს „შორეთელი ჰოლდინგ გრუპ“ (მისამართი: ქ. თბილისი, ნუცუბიძის I მ/რ, I კვ. N7/3. ს/კ 205231890)
სს „საქართველოს სახელმწიფო ელექტროსისტემა“ (მისამართი: ქ. თბილისი, ბარათაშვილის ქ. N2. ს/კ 204995176)
სს „ბაზისბანკი“ (მისამართი: ქ. თბილისი, ქ. წამებულის გამზირი N1. ს/კ 203841833)
2 939 (ორი ათას ცხრაას ოცდაცხრამეტი) აშშ დოლარი.

გარანტიის გაცემის საფუძველი:

- ბენეფიციარის მიერ 2020 წლის 24 აგვისტოს გამოცხადებული ელექტრონული ტენდერი #SPA200002132
- პრინციპალის მიერ წარდგენილი სატენდერო წინადადება, რომლის საფუძველზეც იგი ვალდებულია წარადგინოს საბანკო გარანტია, ტენდერში გამარჯვების შედეგად გასაფორმებელი ხელშეკრულების (შემდგომში „კონტრაქტი“) უზრუნველსაყოფად.

გარანტიით
უზრუნველყოფილი
ვალდებულება:

წინამდებარე საბანკო გარანტია უზრუნველყოფს პრინციპალის მიერ კონტრაქტით ნაკისრი ვალდებულებების შესრულებას.

გარანტი, გარანტსა და პრინციპალს შორის 2020 წლის 15 ოქტომბერს გაფორმებული საბანკო გარანტიის #2020-10-15/0014/LLG/066742/146 ხელშეკრულების საფუძველზე, პრინციპალის მიერ ზემოთ მითითებული ვალდებულებების ჯეროვანად შესრულების უზრუნველყოფის მიზნით, ბენეფიციარის წინაშე კისრულობს უპირობო და გამოუთხოვად ვალდებულებას, ყოველგვარი უარყოფისა და გასაჩივრების უფლების გარეშე ბენეფიციარის პირველივე წერილობითი მოთხოვნისთანავე, მოთხოვნის მიღების დღიდან 5 (ხუთი) საბანკო დღის ვადაში, გადაუხადოს ბენეფიციარს ფულადი თანხა საგარანტიო თანხის ფარგლებში.

საგარანტიო თანხის მოთხოვნა:

გარანტის მიერ საგარანტიო თანხის გადახდა განხორციელდება იმ შემთხვევაში, თუ პრინციპალის მიერ არ შესრულდა წინამდებარე საბანკო გარანტიით უზრუნველყოფილი ვალდებულება/ვალდებულებები.

ბენეფიციარის წერილობითი მოთხოვნაში საგარანტიო თანხის ანაზღაურების შესახებ მითითებული უნდა იყოს მოთხოვნილი თანხა და ის თუ რაში გამოიხატა პრინციპალის მიერ იმ ვალდებულებების დარღვევა, რომლის უზრუნველსაყოფად გაიცა წინამდებარე საგარანტიო წერილი, ბენეფიციარის მხრიდან პრინციპალის მიერ ვალდებულების დარღვევის ფაქტის მტკიცებისა და მოთხოვნილი თანხის მოცულობის დასაბუთების გარეშე. მოთხოვნას თან უნდა ერთვის წინამდებარე საბანკო გარანტიის ასლი.

ბენეფიციარის წერილობითი მოთხოვნა საგარანტიო თანხის გადახდაზე გარანტს უნდა წარედგინოს ზემოთ მითითებულ მისამართზე, წინამდებარე საგარანტიო წერილის მოქმედების ვადის ამოწურვამდე, თბილისის დროით 18:00 საათამდე.

გარანტიის ძალაში შესვლა და
მოქმედების ვადა

წინამდებარე გარანტია ძალაში შედის 2020 წლის 15 ოქტომბრიდან და მოქმედებს 2021 წლის 01 ოქტომბრის ჩათვლით, თუ კი გარანტიის მოქმედების ვადა მანამდე არ შეწყდა ანაზღაურების საბანკო გარანტიის წერილით მითითებული რომელიმე პირობის გამო.

გარანტიის მოქმედების
შეწყვეტა:

გარანტიის მოქმედება წყდება ერთ-ერთ ქვემოთ აღნიშნულ შემთხვევაში:

- იმ ვადის გასვლა, რა ვადითაც არის იგი გაცემული;
- პრინციპალის მიერ გარანტიით უზრუნველყოფილი ვალდებულების სრულად შესრულება;
- გარანტის მიერ გარანტიის თანხის გადახდა;
- ბენეფიციარის მიერ თავის უფლებებზე უარის წერილობით განცხადება ან საგარანტიო წერილის ორიგინალის უკან დაბრუნება.

საბანკო გარანტიის თაობაზე წამოჭრილი ყველა დავა და უთანხმოება გადაწყდება მოლაპარაკების გზით, ხოლო შეთანხმების მიუღწევლობის შემთხვევაში, მხარეთა შორის დავას განიხილავს ქ. თბილისის საქალაქო სასამართლო საქართველოს მოქმედი კანონმდებლობის შესაბამისად.

პატივისცემით,

ვახტანგ ვახანია
კორპორატიული განყოფილების უფროსი

ანა გოგოლაძე
დოკუმენტური ოპერაციების და ფაქტორინგის მენეჯერი



ბენეფიციარს შეუძლია გადაამოწმოს საბანკო გარანტიის სარწმუნოებასს „ბაზისბანკის“ ინტერნეტ გვერდზე <https://guaranteedoc.basisbank.ge>